

桂陰詩集

4
575

0 1 2 3 4 5 6 7 8 9 30 1 2 3 4 5

始



棚谷元善著

桂陰詩集

天香齋藏

桂陰棚谷元善之像



11-515

桂陰棚谷先生暨繼配久貝氏墓表

曩者先師藤森子。坐黨議謫死。余撰文表其墓。刺幕府失政。酷吏讎視。欲倒表問罪。人皆笑余直筆犯忌諱。獨棚谷先生稱揚不置。曰子不諛官。豈肯諛墓。異日幸作吾墓表。以傳信後世。今二十餘年言猶在耳。而先生則逝矣。余雖不文。寧可負諾於地下乎哉。先生諱元善。字元卿。一字善庵。別號桂陰。又鳳陽。又天香齋。棚谷其氏。世仕笠間藩。王父諱衡。字維嶽。善醫兼通儒術。娶小峯氏無子。養若松氏之子。諱謙。字喬庵。為嗣。妻以女弟。先生其長子也。幼敏警。受業家塾。塾師見其范增論。驚嘆曰。此兒必成大器。甫踰

大正
10.11.15
内交

冠。師事朝川善庵。後與藤田藤森二老游。講經史作詞章。策時務聲譽漸與。藩侯擢爲侍醫。兼備顧問。文久中。移家江戶。貧甚。然不肯售技貪財。唯詩之耽。是時邊警旁午。海內多故而二老旣亡。雖有耆宿。所見不合。顧延余爲忘年友。每一篇成。輒求評論。余辭以不解詩。先生笑曰。子非所謂詩人。其不解即所以深解也。今夫風雲月露。字彫句琢。與國家痛痒無涉。則何用詩爲。乃取讀之。音調悲愴。若有殷憂。未幾天下果亂。東西馳驅。不相見者數歲。中興初。建大學於東京。余拜博士。先生亦見徵。稱病不就。明年奉命。集錄本邦漢土古今醫方。尋又辭之。杜門苦讀。著國

史攬要十六卷。屬余作序。其書起開闢至今世。上下數千載。政治隆替。制度沿革。歷々指掌。學者傳誦。府縣學校。採以授生徒。先生初娶渡邊氏。生一男三女。並先歿。繼娶水戶藩士久貝正則之女。諱藤子。有婦道。善事先生。先生清臞。立。善飲善談。客至置酒。不論晝夜。而中饋每不告乏。舉一女。鐘愛爲擇嘉偶。嫁之嶋原藩士丸山君作樂。作樂慷慨憂國。罹吏議。錮於長崎縣獄。女欲往問消息。先生憫之。遂舉家西徙。縣學生員。聞先生名。禮招聽講焉。先生作縣學記。長崎竹枝。郵寄請評。旣而作樂遇赦。同歸東京。乃欲相訪話舊。在菴涉歲。忽得訃音。哀夫。先生以明治十五

年十月六日歿。距其生文化十年閏十一月十八日享年七十。久貝氏先半歲。歿於同年五月十八日。距其生文政二年六月廿日。享年六十四。合葬青山南町之塋。義子恒義。持狀來傳。遺囑以徵文。蓋先生天賦俊邁。夙欽古烈士之風。為醫終世。非其志。所著三德事實。鐵研漫錄。天香齋集。徃々見微旨。而平生言行。亦多可傳者。特以其謙謏墓故。所表章止於此。

明治十七年夏五月

宮内文學從五位川田剛撰

桂陰詩集 上卷

桂陰棚谷元善稿

芳山櫻花圖


一幅名花感廢興。香雲影裏冷殘燈。春風未踏芳山路。夢繞延元古帝陵。

那須宗高射扇圖

扇影飄風勁箭鳴。何唯妙技万人驚。琵琶曲裏雙行淚。也勝千軍喝采聲。

仙坡湖上有感 水戶城下

弘庵曰前人未道破



又曰感慨何極

播紳之際出英雄，天下具瞻赫々風。匡國宏猷排異教，防夷大策啓元戎。高明受妒感何極，文武守成功未終。落日仙坡湖上路，幾人搔首問蒼穹。水府練兵，中軍建啓行匡施國之

又曰雄快

下那珂川 在水戶城東

杳々雲煙籠水程，霖餘漲勢泛人輕。海門依約行松影，早聽長風萬馬聲。

那珂川港即事

又曰奇警可喜

滿港帆檣萬斛船，茫茫積水接無邊。危巖晴捲蛟津雪，皓月秋開鼉背烟。天塹砲臺煩守備，地毯鐵路幾腥膻。海鄉更有仙寰在，縹緲笙歌隔岸傳。

又曰風味出新

元日雨 以題爲韻錄一
己酉年

元日眞成如太古，東風緩緩送城鼓。拜年客去午齋閑，臥聽梅花梢上雨。

晚歸即目

又曰眼前春景未多經，人道括來巧妙自然

楊柳糸々弄淡煙，羅紋碧漲夕陽川。殘霞映出風箏影，幾線春聲響半天。

春遊五首 錄一

又曰風流自喜

不許春光棄我行，不嫌春草喚愁生。舉杯且向東風立，花撲吟衫似有聲。

即事

又曰又佳

城上輕雲掩曉霞，東風門港雨糸斜。村翁亦解惜春

意小笠短簑來賣花

晚發下館

淡月當天晚色濃，水田倒浸筑波峯。剩寒脉々春衣薄，一杵聲傳那寺鐘。

總州途上

薄日輝々草送香，菜花遙映野川光。路傍一醉宜停轎，滿店春風未夕陽。

張子房圖 追加

圯橋深夜語誰哉，側聽人僞托欺千歲。塊石術何神，風雲已了韓家事。且輔亭長付神器，一擊嘗駕祖龍膽。博浪之椎亦遊戲，幼出衣冠四老翁。又將緒餘定

又曰風致宛然

亦佳

又曰曉行况致此丹青描不到處

又曰雄濶

儲公烹醢難加赤松子，把弄英雄始中終。

曉發新橋驛

殘雨微茫濕曉雲，林塘一脉送芳芬。黃鶯啼破輿窓夢，暗柳明花次第分。

水門雜詠

海島報晨聲喋々，空洋一碧霧力消。長風吹動孤燈影，臥見東溟萬里潮。積水如堤壓亂檣，汀州暮色漸蒼々。天涯一片飛濤影，展作東洋月出光。

從下妻到宗動途上

長川畫大野，言是東寧脉。浴川數十程，荒邑交廢驛。

又曰胸中經綸
願瀉詩亦憂々
金聲

榛莽無際涯，沃壤都為瘠。田留暴漲痕，原絕牛馬跡。
漕運唯問便，却遣基本益。誰能乘農隙，敷蓄徐興役。
堤防備衝潰，收納不論額。藉外出官田，堤封幾萬石。
莫笑愚公愚，莫羨巨靈劈。經綸雄偉功，渾成在銖積。
開鑿利曾起，擾々徒怨噴。誰歟賈晁倫，一舉決大策。

南村

野水爭流，蕩翠鳴。亂山影裏，路縱橫。蒼畦撞畝，雨初
歛。人在夕陽佳處行。

即時

客去東軒月未昇，何來爽氣襲衣稜。晚風徐送幽篁
雨，寒翠森々認市燈。

又曰清况恰與
景會

聞人話北夷俗 十五首錄四

又曰異聞可補
海外竹枝詞

松火光明洞窟中，滿山積雪樹無風。硬弓毒箭誇強
健，射斃陰崖七尺熊。
穹廬那解辨春秋，荒服之餘更一洲。陋俗猶知天子
貴，遙從日影拜神州。
陸無人影山無獸，凝雪沈々島嶼間。五月海津方解
凍，碍船冰片大如山。
絕域使車無博望，陋邦教化欠文翁。誰知千島衝要
地，既入俄斯版籍中。

嘉永戊戌之夏，新居落成，書喜 七首錄二
桑土綢繆枉費心，休言擇木學良禽。賤蓬荒竹都除

去一座新開翰墨林，
擬於閑處養閑身。書室琴亭結構新，
地百年天所設。今朝始屬讀書人。

曉起即目

叢祠高檜亂鴉鳴，霜白野蹊人未行。
菴舍晨煙門尚掩，半林殘月桔槔聲。

同藤森弘庵先生及諸子登石倉山以高城

孤照日山谷遠含風爲韻，余得城天保庚戌之八月

彩嵐如拭夕陰晴，爽籟吹人笑語清。
勝境由來存僻地，真遊不必問蓬瀛。
連山紫翠杯中湧，大野風煙筆底橫。
却憶登臨他日恨，湖光明處是龜城。
龜城土浦先

又曰登高能賦今人未必愧古人

生寓土浦

虎圖是亦係少年之作

雄風蓬勃迸班文，一吼何唯壓獸群。
群小假威猶可恕，忍聞苛政猛於君。

僧西行圖同上

立談能屈將軍膝，不怪豪僧恐老拳。
一片丹心風月裡，英雄回首即神仙。

書感同上

諸公不許吐長虹，一笑論交屠版中。
衣上塵埃餘志慨，燈前涕淚灑英雄。
江河雨冷魚龍水，殿閣秋高燕雀風。
短褐長褰天所附，醉鄉何物是窮通。

管仲 同上

攘狄尊王自不群，儒門何事鄙高勳。
後來匡國人多少，功利權謀盡學君。

書懷 全上

四方志業遠長劒，廿歲功勳愧短檠。
梧葉滿庭秋色冷，西風又聽雁來聲。

同藤森先生及森杜豹安村文齋自步崎歸
船中

海門潮入大湖通，煙水蒼茫浪洗空。
明月在天船若坐，秋高九十九灣風。

清新之筆，巧妙之思，在文苑亦故當推作

家而君以刀圭餘暇出之，其才實可畏哉

己酉授衣月

大雅 妄評

淡中含腴，如食齋味，麗句挿慨氣，似美人
挺戈，顧是性情之使然歟，抑亦才緻之不
期然而然者也。

嘉永癸丑春

服部友憲率題

嘉庚戌正月，奉藩命赴江戶。

梅花朝醉桂城酒，楊柳晚看霞浦春。
今日江山應笑我，官裝不是昨遊人。

人日發土浦時大雪

驛舍逢佳辰，開春王正月。
城鼓凍無聲，曉雲降大雪。

弘庵曰一片忠愛之意是老杜風格詩亦取實事一直叙去手法出於北征詩

公事有巖程豈敢辭困竭呼酒勵丁夫勿憚顛與蹶
回。駸。銳。於。槍。森。然。刺。肌。骨。天。墨。地。方。明。人。馬。行。蹤。絕。
銀。沙。漲。輿。窓。銅。爐。紅。已。滅。十。指。屈。難。伸。冰。花。粘。毛。髮。
焦。心。恨。行。遲。意。氣。徒。奮。發。愁。憂。無。人。知。微。軀。任。凍。裂。
山。川。雖。可。觀。輜。簾。却。慵。揭。佳。辰。非。不。佳。胸。襟。終。雖。豁。
舉。頭。望。朝。陽。慘。澹。昇。林。樾。縮。坐。憶。前。途。唯。有。赤。心。熱。

日本橋即事

金。城。薨。影。翠。如。流。岳。雪。葱。隴。淑。氣。浮。曉。日。衣。冠。連。大。
道。春。風。絲。管。沸。高。樓。煙。花。浩。蕩。三。千。陌。米。粟。鱗。差。万。
斛。船。橋。下。潮。通。洋。海。水。那。知。蠻。國。是。隣。州。

同家弟立民洞亭飲某酒樓

又曰真是大都景象結末憂國之意在隱躍間

離群只喜雁魚來五歲愁懷一夕開風雨對牀何用
問三人同醉首春杯

讀海外新話

今年刻成己而官命禁其販賣

鳩。毒。嘗。聞。西。施。乳。宴。安。今。見。芙。蓉。土。狡。商。痛。哭。虎。頭。
門。銳。兵。已。集。龍。動。府。弛。禁。久。成。姦。蠹。媒。過。激。終。生。烈。
禍。胎。萬。函。一。炬。真。英。斷。掣。肘。惜。不。盡。其。才。妖。鰐。蹴。波。
三。萬。里。海。城。屹。駕。炎。風。起。電。索。迸。空。轟。百。雷。突。出。煙。
間。黑。白。鬼。慘。澹。黃。雲。壓。怒。濤。鶴。鷺。失。律。夜。嗽。嘈。始。聞。
將。校。誇。材。武。終。見。講。和。列。阿。嬌。豈。無。守。吏。殉。臣。節。雙。
手。難。撐。大。河。決。千。家。野。哭。散。悲。風。丈。夫。或。輸。女。兒。烈。
唯。賴。一。人。陳。化。成。孱。矣。江。南。百。萬。兵。

英人謂曰不恐江南百萬兵只恐一人陳

又曰洵然々々

又曰健筆有凌雲之氣

成化將星終隕吳淞上，殺氣直衝楊子城。廟謀所得唯盟約，侈大何知陷文弱。山河破碎塵冥濛，浚盡民膏充溪壑。回視祖宗吞噬時，乘除有數勿怨咨。宸廷今日和親淚，孰與崇禎血詔悲。君不見剪屠十日及孩嬰，揚州道上血有聲。

遊櫻川遇雨

又曰幽情可掬

衣上班々半帶花，東風送雨灑煙霞。吟箋瓢酒林間席，移向村南野老家。

總州途上

渡頭草綠鷺眠沙，一榻輕煙人賣茶。昨日深泥殘雪路，東風吹破野棠花。

又曰筆々警拔

郊村景物即天台，千種桃花臨水開。野老豈知劉阮事，荷鋤徐出絳霞來。

加波山

畏堂曰老杜口吻

起伏連山脉，來此相凝結。巉巖欺鬼工，鑿鑿勞神斧。威靈壓群巒，祀典鎮封土。絕巔霄漢逼，老木風煙古。懸崖磴道危，雙脚踏難舉。落葉夏猶飛，陰森不知暑。洞窟祭雷神，靈境禁人語。僧房跨沓寥，雲水在庭湖。淨饌侑杯觴，鑽燧慎庖煮。醉後疑御風，羽客堪結侶。倒景射雙眸，萬衆供指數。峯腰一片雲，飛爲遠處雨。

金龜禪房即事

境幽群動寂，坐久怯過清。池水湛無浪，茶煙映鏡行。

弘庵曰寫得妙

途上即日

一路橫丘頂，林西正夕陽。行人來去影，遠在隔溪岡。

新居偶成

養痾得暇豫，翛然臥草廬。草廬雖云陋，新構頗豁如。庭柯爭條達，方屬積雨餘。新陰美以濯，來映案頭書。書中幾賢哲，片言皆起予。歛退思實利，營趨愧虛譽。觀彼紛華謝，深悟榮勢虛。肅然正襟坐，夕陽轉階除。

又

又曰全是蘇州

南山當戶秀，水木繞廬清。晚視孤雲返，朝聽衆禽鳴。良辰無停景，感觸復愴情。撫膺一長嘆，俯仰愧長纓。珪璋非特達，涇渭况濁清。櫟全因其朽，膏消因其明。

又曰學陶似陶
風調在前二首
上

倚伏無終極，懲誠利坤貞。名教存樂地，何爲自營々。六龍不頓轡，桑榆亦嚴程。前脩川上嘆，夕惕亦自驚。攬衣巧遐景，清風穆以生。一笑南山色，千歲不驚崩。

又

鋤彼東園草，以栽菊與蘭。々爲君子佩，菊當君子餐。君子不可見，吾思徒悲酸。悄悄愴心曲，高歌行路難。

題赤穗義士所書誹歌

係改作

所讀聖賢書，所修聖賢教。爲臣則死忠，爲子則死孝。丈夫平生志，所重唯節義。君不見春風一片花，月詞千秋凜々動天地。

水戶城下作

畏堂曰短峭不
可增減一字
楊園曰字亦四
十七妙

又曰真是水戶之詩

宏館新成道更隆廣道館新成觀光人到自西東一藩氣節
崇名義百歲薰陶入士風巨礮聲傳城樹外玉鞭影
雜市塵中長江東下那珂港日射蛟龍海氣紅

赴高部途中

峽路高低雜曠原陽坡陰嶺自寒暄漸穿積翠重
地又遇孤煙裊々村老樹風收雲欲宿奔湍水落石
猶屯寄言拘束塵中客識否僻鄉奇賞存

宿烏山關氏樓

難酬優待主人情心愧箕裘業未成雁外江山秋入
夢蛩邊歲月夜關情徐聞風裏灘聲變又識雲陰雨
兆生枕上開書慰幽獨燈花一穗落還明

又曰五六警新

又曰三四是少杜妙處

楊國曰此係改作故無弘庵翁評語而警拔可喜
畏堂曰警健遺山海珊之亞

讀本能寺戰記

十三山書樓課題

本能寺前人馬轟曉旗捲出桔梗章相公一叱執弓
起眼光如炬射殿庭堂上堂下鋒刃向肉薄爭呼死
奮聲豺狼巧伺殘燭影寢室忽看炎焰生妖氛猖獗
溢庭來熱血紛々灑賊兵當時七道煙塵黑封豕乘
機吞郡國京畿鋒鏑簇群兇貓貉磨牙豺生翼天將
戡定命英雄千人皆廢叱咤中雙手奄有回山力二
十餘州草偃風天日揚明荊榛底煙霞重繞紫宸宮
賊在蕭牆翻不戮徒使白龍悲魚腹古來逢弑人幾
何淫虐昏庸皆自促未聞雄傑如相公一朝空罹蜂
蠱毒却思華胄自大賢前後動勞並煥然更有英雄

畏堂曰忽歸到
本題高山壓勢
石

理遺業金甌到今猶完全君不見本能寺中灰未冷
逆賊梟頭靈柩前

辛亥元日

春燈影暖未收杯前客將歸後客來尤喜一盆元日
草笑談聲裡數花開

人日

一簾晴色帶春熙軒外山容欲笑時風是東風方解
凍日逢人日可無詩芹塘魚影水三寸竹外鳥聲梅
一枝飛檄忙招吟社友草堂且共舊襟期

春書

湘簾近隔呀禽影石鼎忽傳流水聲雨歛午林風未

弘庵曰有幽味

動春雲一片出花行

水門客舍即時

又曰詩寫實境
者自佳然非親
歷其境者不能
知其佳也

危礁濤聲日夜殷晝無蠅蚋夜無蚊膳從晨早先供
酒膾飽鮮新却憶葦暑退鼈頭秋掛月風收蜃氣晚
蒸雲鰻魚聚處波光變魚艇競先紛又紛

讀攝東七家詩鈔

弘庵曰所評雖
似頗失竅詩乃
鏗錚可喜
楊園曰翁評舊
作故有失竅語
此係改作評得
穩當

奎運乘時駕鄴鎬變々名家起攝東不數曹衛附庸
國割據爭衡惟七雄五山江湖推前輩風靡一世結
新隊織工流弊雖可議享元剽竊習皆廢星巖繼之
逞鎔鍊旗幟更看精彩變森嚴頗似細柳軍縱橫終
欠背水戰棕隱雕繪弄新奇尖中間騁富瞻詞休物

欲摩三家壘，臭味終是詩人詩。笛浦盤溪各盟主，夙
 向文陳馳旗鼓。筆鋒觸處欲生春，游从同驚辨髮虜。
 拙堂良齋才力均，雄厚欲追韓蘇倫。文章夙握詞壇
 柄，萬卷撐腸筆有神。一家各恣一家長，孰為燕趙孰
 楚秦。後生更出幾英雋，連鑣爭馳千里駿。誰乎能以
 縱橫才，獨帶煌々七國印。

水戶城下訪松延蓉坪，飲其樓上石川吉田
 近藤及某々亦至，樓扁光霽二字，東湖先生
 所題席上賦贈主人。

醜醜味濃談益適，塵胸一洗氣橫秋。龍邊雨捲平原
 去，鳥外雲連大海浮。通籍交情寬禮數，宗藩文物書

喜弘庵曰雄絕可

名流乃知賢俊寄題意，霽月光風不在樓。

赴鹿島舟中

又曰亦佳

雲水東連魚蟹鄉，滿湖煙雨送輕航。濤聲忽帶蛟龍
 氣，島背方知是大洋。

大船戶即事

擊鮮一醉倚津樓，紅蓼青蘋水國秋。晴日熨波潮信
 穩，便風又上北湖舟。

牛渠舟中

又曰二首聯璧
 總常實境

隔岸林巒是總州，鱸魚風熱渚田秋。芙蓉獨立澄波
 上，水樹蒼々十六洲。
 星壓湖天夜自明，菰蒲影動見潮生。暗中亦識煙花

地岸々燈光笑語聲

扇眼石歌

鯰魚圍繞大八州頭尾相會是鹿洲石釘千仞神所
 椽確然不動千萬秋說似荒唐且休笑須知神聖寓
 意妙維昔天孫創業時先驅執戈武甕槌掃蕩妖邪
 非類賊頓令王化蒙東陲彝倫至今不失正武德煌
 々仰靈鏡歷世將軍崇神威金鍙寶刀表誠敬廟社
 肅然護帝居春祀秋祭何穆如風塵有警天位固譬
 如石釘壓妖魚君不見洋外君臣恣陸梁萬里鯨濤
 爭奪攘神州未嘗求外交天塹依然占富強地球所
 載幾疆域煽動開闔勞不息一定洪基不動搖扇眼

又曰叮嚀告戒
 寓意真摯只恐
 閱者不察

乃知屬神國

赴鹽田途中

時聞樵斧響給訝地僻境幽秋更嘉歸鳥聲邊黃葉
 寺晴嵐影裏翠微家瘠田爭秀虎髭草野水自翻龍
 骨車正是西風搖落節寫將荒景向人誇

木幡途上

壑色秋深鎖紫氣常毛界隔小橋分可花比艷霜餘
 樹與鳥爭飛雨後雲誤路却逢幽境好投村聊賴濁
 醪醺衣襟擺去紅塵汚且向青山見夕曛

絹川即事

野澤主人誘余捕香魚

大籠盛石截湍水々勢橫奔如激矢承以編竹洩驚

波々頭激捲雪華起，梁角繫舟梁上步。晚山影落滿川紫，童肩卸瓢未舉杯。群魚跳出雪華裏。

從石法寺驛歸時大風雨

辛亥十月二日

黑氣起鬣峯，雲走總毛郊。大塊生猛噫，萬竅齊怒號。暴雨援其勢，亂注矢石交。叢篁伏又起，龍咆而虎哮。深潭翻潛鱗，密林落飛猱。峭崖懸瀆瀑，亂松捲狂濤。盤渦生天路，田洫溢沼沚。籃輿簸且颺，丁夫翔又翱。單騎衝堅陣，千軍列鼓鼙。毘陽屋瓦震，馬陵強弩鏖。疲困投村店，養銳賴酒醪。店翁憐敗衄，鬼肉就爐炮。大嚼神還旺，暫逸忘永勞。餘勇猶可買，三鼓氣未撓。轎夫齊奮進，聲勢互嘈噉。衝暗踰桑嶺，黑雲四面包。

又曰驅使險韻毫無窘步全是學大蘇

纔脫重圍去，又防大澤凹。豈學郊下項，翻似赤壁曹。燈火幾回滅，熟路苦遁逃。歸家何所似，飢禽入舊巢。瘡疾猶未愈，聊且刷羽毛。兩師休恣虐，風伯休逞饕。人生如寄耳，苦樂任逢遭。舉杯說困狀，談鋒醉益豪。大塊奈吾何，一睡鼾聲高。

病中讀國史感護良事而作歌

兵權在手邦堪制，大盜假仁延九世。白日西淪天黯澹，宴安坐擁回山勢。恢復之任屬皇子，義軍爭應令旨起。虐政驅民資泰運，長鯨橫吹東海水。錦幟飄雲山壘高，苦戰親揮偃月刀。大杯三巡壯士舞，笑看勁箭聚錦袍。深山虎威暗起風，孤島龍氣夜騰空。東窟

又曰大文字可雄視一代

畏堂曰咏史上乘使山陽退步

弘庵又曰讀到此使人皆裂髮指

西巢前後覆捷書接踵到行宮。蹕道春風從冠冕，紫極烟霞繞翠輦。幹蠱斯繼列聖心，堂構併建中興典。朝天兵馬耀京畿，睥睨早有姦雄窺。惜不誅戮奏天子，遽巡終踏水谷危。宮闈逞媚簧言婦，陷罪設機讒邪口。鐵鉞朝蒙元帥榮，幽囚夕落奸兇手。首唱誰救天步艱，經營辛苦幾間關。雲水逃厄道士裝，風燈托命佛寺函。萬死有天助元勳，孤忠無計敵大姦。白日青燈熒土窟，悲風吹石石將裂。一封幽憤埋虹光，滿地紅痕泉亦熱。嚼銛欲噬豺狼喉，口裏猶含短蛇血。滿朝簪笏果何人，曾無一疏批龍鱗。鴻業沈淪天如醉，父子無親况君臣。幸有櫻雲護神器，曾是將軍舉

又曰一結千約筆力

兵地冤魂纔消土心離，龍顏應灑哀痛淚。七道腥塵掃者誰，兵馬大權竟東移。嗟呼王之生死所關係，不唯劔璽播遷時。

夜歸即目

亂竹籠煙野色暝，峭風吹水動寒星。迎春村舍春糕急，松火柴門夜未扃。

才華煥發瑰句疊出，光焰逼人，可欽々々。景無虛衆，情無虛設，據實揮洒，至味自存。如筆舞墨飛，矯健雄鷲，皆其緒餘耳。嘉永甲寅小春十一日夜枕上一閱

大雅妄評

以上數十首，先生歷遊常毛之次，寓弊廬
十餘日，爾時所評定。

開春三日，梅圃仁加保君招飲，同櫻園先

生及諸子，賦得韻灰。嘉永癸丑年

牀列琴書席，插梅新年勝事喜。追陪一場詩戰淋漓，
筆滿坐春風。激盪杯，維德有隣，延耆宿，以文會友。盡
清才，歡餘更訂重遊約，共待滿園桃李開。

西村

晴光浮遠樹，峭風振霜菅。梅花未點影，野水空潺湲。
煙濕菜蔬圃，鷄鳴桑柘間。啜茗憇孤店，弄魚立橋灣。
諷詠聊取適，境幽心自閑。殘雲偏喜雨，欲歸尚依山。

溫公破甕圖

不怪兒童亦識君，遊嬉早已見經綸。金甌他日誰能
補，却屬當年破甕人。

桐江毛鈞圖

笑見漢官儀已新，羊裘易脫易收綸。且成故友海量
德，故作雲臺畫外人。

藤肥州

六尺遺孤八尺身，老姦斂手亦逡巡。威靈忠烈兩無
匹，唯配劉家長髯人。

咏史

英雄相繼剪荆榛，一掃冥濛七道塵。寶劍有靈君識

否蕩平都屬尾參人

熱田社、祭草薙劍、織豐二公、皆生尾州、參州古屬尾張。

大雪戲作歌

癸丑二月十八日至廿日

銀河之水冰將裂，孰向塵寰試一決。地失厚兮天失高，玲瓏一箇大銀闕。始信本來無東西，八面濛濛降不歇。大如振鷺小鷺毛，要將萬類付埋沒。愚公應怕玉山寒，精衛將眩瑤海潤。洞中道士失絳霞，林下美人迷素月。捲簾喜氣上龍顏，提劍雄威衝虎穴。後殿奪城策何奇，凍困燒弓真苦節。倒鞋猶想脫南山，乘橋何人出北越。斗米折腰竹何屨，兩山壓肩松難屈。江魚應戀釜甑蒸，野禽翻羨江爐熱。疑見晴色射戶庭，起來猛勢駕風烈。書窓連夜雖得明，吟朋三日交

方絕，鏤玉彫花人所喜，化工新設新軌轍，創成洪荒太古初，幻出水天無人窟，一語終難着品評，煖酒唯呼大哉雪。

赴石岡途中

乘楊一帶映江津，雨後行松不起塵，買醉水晶花外店，杜鵑聲裏餞殘春，海色泱泱東北開，松間行見雪山頽，亂雲粘水垂鵬翼，濤聲遙從靺鞨來，亂松相蕩午潮聲，雨氣蒸空未放晴，一路海鄉春似畫，風帆幾片映花行，竹樹扶疎映白沙，耕耘漁釣幾人家，春潮吞吐田塍

加藤穆軒曰雄壯可喜

又曰海濱村落之景宛然如畫

水海濫時開油菜花

發石神驛赴水戶途中

大野南連水府城，接天麥浪翠烟平。練兵知試新鑄礮，行聽雷礮動地聲。

癸丑六月書事 五首錄三

一紙蟹文勞廟謀，海門風色慘於秋。火輪疾走三千里，羽檄紛飛六十州。孰使九重煩燮理，漫言上策是懷柔。豈無樽俎折衝任，八萬銳兵三百侯。

列侯旌戟映波開，沿海軍威山可回。鐵騎錚鏦排萬虎，銃車輾轆載千雷。殄殲應倣弘安策，勇烈豈無文祿材。將府佳名天所賜，征夷兩字亦奇哉。

又曰僅々二百餘字可以壓倒一部乍浦集

萬口紛紛說禦防，長鯨橫浪々茫茫。三軍唯賴刀鎗利，百戰誰知器械良。百仞海城裝鐵石，半空電索劈金湯。備要第一在知彼，舊法制柔雄制剛。

小栗途上時久旱暑甚

雷氣驅雲西北奔，喜看涼雨灑前村。衝炎行盡前村路，々上纔留點々痕。

夜從桑島歸

日已斜時辭水驛，月將傾處涉岡阜。岡阜以東連曠原，夜色蒼々搖星斗。老狐鳴邊燐影青，蛇眼如螢照林藪。石佛當路欲嚇人，芻偶逐輿跳如走。無復涼氣一片來，唯見炎埃三寸厚。遠鐘聲報更已四，長程算

來里將九，轎丁呀喘學吳牛，飢顏堪憐喪家狗，療渴不嫌逢盜泉，入里何須問勝母，忙敲野店々方開，上下如蘇笑搖手，僕夫早已知吾意，大聲先問有酒否。

從西村歸

遙山雨過夜煙平，星斗闌干月未生，早後林叢皆帶露，吟蟲挾路送涼聲。

病起即事

欲將新句答吟蛩，移榻東園露氣濃，渡水清風先到柳，出山涼月未離松，三杯綠酒神初旺，一枕黃粱夢亦慵，病骨蘇時秋正好，西郊明日試遊筇。

宿野口氏堂時中秋

在朽木傍時海警紛然

洋夷一艦動神州，和戰紛紛費廟謀，獨喜村園風物靜，太平山下賞中秋。

藥師寺村即事

從字都宮歸甲寅正月

雪聲簌々灑荆榛，七里郊程不遇人，孤店何嫌村酒薄，一爐柴火暖如春。

金龜山精舍

遊人何所愛，々斯精舍靜，精舍何清幽，協斯幽邃境，檀氣薰茶室，松風入石鼎，雲煙自去來，泉石天然整，密林藏鳥聲，晴池蓄山影，芳酒鎮塵機，禪話發深省，咏吟助獻酬，足以當遊聘，乃知恬澹心，恰愜初春景，暮色入重簾，梅梢溪月冷。

下毛途上

幾處秧歌杏靄間，小橋流水兢潺湲。忙裏猶餘清福在，轎窓一日坐看山。

紀事

甲寅三月，米國使船再來補賀。

海門一礮滿城驚，警備徒勞十萬兵。處士放言無實見，列藩軍政有虛名。朝論猶執掃攘策，幕議已要條約盟。只恐戰和分黨與，蕭牆莫是禍胎生。

環視毛涎不勝多，神州形勢果如何。銅標雲冷北邊

雪，魯西亞使節來，亦乞正國疆。石炭霧蒸南海波。憂國幾人來獻策，

救時有相只論和。誰知迂傲燕齊士，欲倚天門弄太阿。

從下館歸途上

肩輿載醉月中回，電影時聞遠處雷。萬頃秧田搖翠浪，風從天末送涼來。

同諸友遊白瀑祠

城西避暑鄉，天爲吾曹設。龍脉所蜿蜒，磊々露山骨。層疊如亂濤，氣母乃融結。嵌穴祭明王，群魅怖一喝。上有萬松蟠，下有奔泉洌。爽籟擺寒煙，鳴球翻晴雪。境奇友亦佳，胸襟忽開豁。嵐翠滴酒杯，笑語徹林樾。擾々街市埃，幾人奔炎熱。咫尺離炎塵，徜徉雲水屈。醉歸踏霜華，仰見城顯月。

和家弟赤松桐陰寄懷韻

風雨聲中想對床，愁君伏枕過重陽。共驚鏡雪添微白，慵見籬花吐舊黃。講習空餘燈下焚，笑談漸減酒邊狂。欲將哀樂叙今夕，情緒紛紜不作章。

夜下那珂川

層陰一帶壓長流，遠岸秋聲挾爾幽。閃々映波鑽火影，煙中知有夜漁舟。

水門客舍即事

坐聽鯨濤動大洋，高欄以外夜茫茫。看他鱷雨蜃風外，潮打危巖燦有光。又醉蜻州盡處樓，雄心橫絕海門秋。暗風捲雨蚊龍吼，天外何邊亞墨州。

怒浪讒巖響動雷，此間不許外船來。明良不敢恃天

險，早見衝要列炮臺。

先是水滸設炮臺于海岸，幕府怪之，及米國使船來，幕府亦驚，築砲

臺于品海。

維昔行

維昔西洋波爾杜瓦爾，攘奪爪哇何譎詭。商舶載來病沒屍，哀泣乞憐葬海涘。竊托展祭遣妖僧，珍奇燦爛君臣喜。戰艦乘虛襲都城，全州覆滅一彈指。針路始開亞細亞洲，西人從是事遠謀。西吞東噬爭富強，海洋星散歐羅舟。邦疆廣漠五天竺，三分五裂等魚肉。莫兒曾誇強盛威，宗社如煙無遺族。滿清退縮仰要盟，困迷何唯阿片毒。雲濤洶湧達藩籬，金甌千歲

孰維持承續重哉將相任，守成最難邳隆時，英明昔
 日匡刑典，兇徒妖類從誅殄，威稜赫然怖神姦，不許
 陰鬼吹餘燄，花柳夢闌二百春，杞憂徒屬藿食人，馴
 成寢蛟藉虎勢，有如迅雷震比隣，衝要俄見風濤變，
 火輪飛來波上電，礮聲震裂大都雲，東西警報急於
 箭，熊羆桓々列藩兵，萬死唾手期鏖戰，機會一去皆
 思眠，慷慨長餘斫石恨，豈知廟議出深籌，輕舉恐他
 誤大謀，洞察甘言利誘心，遠慮唯要消近憂，橫目之
 民天同戴，變動亦宜論宇內，敵國外患古所稱，無乃
 旻天神昭代，君不見元會運世茫更茫，風氣混同判
 玄黃，混沌竅成尊卑定，天日長耀太平洋。

安政乙卯三月，陪駕赴奥州神谷，往來作

發程途中

海氣蒼々日落初，公程自笑勝情虛，眺觀美處和眠
 去，唯有濤聲送竹輿。

途上

官道連東奥，高低涉海灣，古賢碑石在，赤羽村，有赤
水先生墓新
 砦砲臺閑，助川驛，有山
野邊氏堡砦鯨浪搖孤驛，鵬雲點亂山，櫻花
 春欲暮，徐過勿來關。

植田逆旅與櫻園先生飲

人馬聲收驛館閑，三杯薄酒且舒顏，喜他公事忽忙
 際，又剪春燈話海山。

途上望海

海勢曲成灣，奧頭接常尾。驚浪踔無垠，長風幾萬里。
 東指亞墨州，北連黑龍水。何者恣狼吞，擾々天驕子。
 功利謀富強，器械誇長技。禮文典謨外，經綸窮物理。
 海城駕火輪，速於流電駛。眼過洶湧間，笑入衝要裏。
 大礮無堅城，胄鎧薄如紙。地毯可橫行，天險何足恃。
 盟約非不佳，士風恐縱弛。何況一盤肉，難充群鳥嘴。
 所願大小藩，肅然張網紀。徼外宣皇威，海山長流峙。
 夕陽重回頭，暮潮平如砥。風絕松無濤，春煙滿洋紫。

同櫻園先生中林俊庵及諸子飲大瀧氏亭

記實 亭在奧州神谷治所

櫻園先生曰時
 吾亦陪行元卿
 所得數十首皆
 實境可誦

玉粒飯香光若雪，粘杯醇酒滑於油。網來棘蠶長三尺，低價驚人二杖頭。

下三阪村

群巒環合路橫斜，一醉且投村老家。四月薰風寒尙在，庭櫻始着兩三花。

鎌阪

石路連天峻坂長，殘鶯聲裡綠蒼々。快哉絕巘雲生處，笑蔭青松見海光。

高萩村

淳朴民風到處存，山迴復現別乾坤。燈光遙閃亂雲底，是我今霄投宿村。

鹽田坂

北郡千重嶺，奈何以坂稱。蛇行攀礪碓，蜃氣動峻嶂。
樹古自生火，厓危如蹈冰。盤々險窮處，雲海送飛鵬。

上三阪

紫藤花底水潺湲，牧馬成群岡阜間。積翠連天々欲
盡，雲間雪白會津山。

勿來關

海山之險界南北，雄關遙控陸奧國。地形東盡浪泱
洋，塞雲北連靺鞨域。百萬提封占膏腴，獷悍民風動
反側。豪酋昔日輕朝命，偃蹇坐領州群職。源公伏節
爰東征，踴躍爭從八州兵。春風緩轡關門路，目中無

賊有山櫻，恩治前九後三年，五十餘郡塵不驚。銓衡
弄柄賤武臣，班爵僅酬百戰勳。豈省兵權重於爵，東
國雄長皆家人。欲辱囚虜翻逢辱，梅花亦應笑搢紳。
我來關址仰遺蹟，海山依舊風煙碧。岩壁到今出箭
鏃，鏽鐵磨來銳如戟。郵亭對酒憶往事，有人來贈櫻
花石。
關址在々出長箭
鏃，又出櫻樹化石。

踰峩山

草樹齊々若挿空，煙嵐浮動夕陽風。轎窓欲結登仙
夢，坐過層巒積翠中。

加藤穆軒十三山書樓

人鍾東海秀靈氣，樓納連山波浪風。一味芝蘭絃誦

外達才成德在斯中、

題赤壁圖

應長谷川竹瘦先生畫

群雄偉蹟沒長煙、白露橫江水接天、餘烈千秋何所屬、洞簫聲朗月中船、

採草

城西山如畫、萬葉染臙脂、夕夕滴清露、土膏潤且滋、不唯風色美、登覽時亦宜、乃携肴與酒、以探草與詩、松氣薰午霽、泉韻散秋思、林開現黃稻、野遙瞰村炊、孤雲雁外歛、遠水鷺邊隨、陰崖風送冷、陽坡汗浹肌、足屢逢荊刺、頭或罹蛛絲、溪流蹈石過、榛莽揮杖披、敗葉埋蛇穴、熟菓療禽飢、鬼蝶翅欺錦、饞蚊喙若錐、

貪利入蒙密、拘束苦啣羈、乘快蹈藤蔓、餘勢受鞭箠、團欒就勝地、煖酒燒枯枝、晴籟吹笑語、烟嵐映芳卮、笑指筠籠裏、清馥似蘭芝、淡泊霜後味、何物比珍奇、自非勞搜索、美良或失之、况其尤美者、潛伏不求知、若能求側陋、在野或無遺、朽腐洵堪惜、採擇要及時、詠詩看晚色、爽氣滿崦嵫、

十三山書樓賦示穆軒老兄

先是兄以論國政被斥余時蒙譴

紛紛世事若雲浮、培養孰為基本謀、文物盛衰關治道、國家軒輊屬名流、風塵鴻洞千秋業、天地蒼忙一片愁、復識仲宣多難意、江山滿目且凭樓、

書懷

廿歲漫偷鄉曲譽，自憐失足困鹽車。寶刀在匣誰論價，香草當階豈忍鋤。憑勢須知門有雀，過清或恐水無魚。男兒別有千秋業，笑指胸中萬卷書。

中秋

蟲語桂香秋黯淡，雲陰月氣夜模糊。呼茶閑對幽塔雨，如此中秋廿歲無。有脚疾 禁飲

携塾生遊秋葉祠

禽語水聲山更幽，野煙遙映夕陽浮。半肩吟具一瓢酒，來賞滿城黃葉秋。

征韓歌

金鎧彤弓坐受降，寶貨如山溢牒幢。大石鑄來日本

犬千年偉績仰神功，舟楫不乾前盟在。却導胡元汚邊海，赫然怒者有豐公。雄畧在胸先問罪，以吾智而用吾兵。天之所覆可橫行，衣冠文物彼何者。我取代之且勿驚，利刀所向無錯節。八道金城爐上雪，行營捷報好下物。談笑舉杯會群傑，朱家將材傾全國。救援無功旗失色，糜餉喪師糜餉云々 據明史。幾千萬窮蹙終依狡奴力，萬蹄踏浪鳴江開。秦華崑崙叱可摧，邊疆旣怖區々寇。寇指和。何況君臣頭上雷，君不見隋唐創業皆英主，親征嘗鞠熊羆旅。遼海陰風鼓聲死，一敗不振長贖武。伺呂宋兮取琉球，即是豐家舊貳貅。偏師猶軼楊李軍，全力拉枯四百州。露霜夢寒浪華咏徒

見虜廷喜相慶，鄭氏乞援奈機遲。天乎辨髮終受命，
當年若令大志伸，餘勇更衝荒外雲。一棒鞭撻犬羊
背，剪除異教磔胡神。衆胥不須辨馱舌，禮用我禮文
我文，百蠻稽顙仰天日，叢爾明韓何足云。

途中所見

城市接村々，漸奢魚商相喚入。桑麻路傍昨日傾，
欹屋變作風窰賣酒家。
牛犢換刀何問耕，村民亦喜武人情。高林擁屋門墻
白，竹劔丁々演技聲。

八月廿五日夜記事 安政丙辰

大塊乘秋劈土囊，天跳地踔夜溟濛。黑雲倒捲滄溟

水，猛雨奔騰來自東。積陰伏陽互相煽，龍火水雷怒
且戰。水雹聲交震蕩聲，閭中下徹百條電。茅拔瓦飛
戶障翻，街頭衝暗人驚奔。困迷悲辛豈暇省，聳坐唯
恐覆乾坤。怒勢餘看僵仆屋，猛威猶留摧折木。終夜
驚心喪膽聲，天明變作幾路哭。聞說東都亦摧殘，風
雨雖暴何足嘆。慘心忍說去年事，僅說去年膽已寒。
維歲乙卯冬十月，火脉噴騰坤軸裂。幾萬人命咄嗟
間，蓋粉如塵付一瞥。悲號聲和炎焰興，鬼氣腥風夜
吹熱。春風漸入四郭花，歌吹且繼舊繁華。八百八街
悸未定，復看災異警萬家。災異頻年何以至，前鑑堪
以觀天意。廟堂豈無救世才，草莽徒灑憂時淚。嗟呼

雲海茫茫八面波，妖鱗爲災竟如何。

九日

悲秋新着鬢邊華，細雨輕煙欲晚鴉。蝶意不知佳節過，悠揚飛遶一籠花。

夜歸即事

亂流叢樹路彎環，雨氣濛濛四面山。雲觸窗燈欲滅，狐燐隱見老杉間。

元旦見日出

十三山書樓課題
丁巳

海氣氤氳彩色揚，祥風四布曉蒼蒼。無疆皇統君看取，日出之州日出光。

城西練兵

十二首
節五

炬火如星照旆旌，幢々人馬曉盈城。甲軍乙隊立成禮，金鎧相磨鏗有聲。
殘月如弓掛馬標，軍容整處霧方消。中軍傳令鼓聲響，列隊旌旗次第搖。
後先相答馬嘶聲，甲仗生光照野程。遙見先鋒弓銃影，森々徐映翠林行。
隊伍齊々應令分，後槍前銃布三軍。營門忽見候兵出，快馬如龍截陣雲。
響動山巒霹靂飛，硝煙幾道吐紅輝。書生不慣驟馳事，唯覺雄風生鐵衣。

晚從柿岡歸

埃樹無風蠹葉驚，寒郊欲暮雪生聲。
羨看村舍爐邊煖，紅影照窓柴火明。

元日雪 戊午

瓊花滿袖賀新正，春在來賓去客聲。
積雪映堂夕更潔，供神燈火有餘清。

夜過仙坡湖上

松杉黑處是靈宮，隔水燈光夜帶風。
柳影梅香湖上路，滿城春在鶴聲中。

常西途上

平田掩映幾人家，耘笠耕牛夕日賒。
一路薰風吹不斷，薔薇躑躅水晶花。

書感

天時人事日紛紜，懷抱蹉跎嘆業勳。
愁裏探花春載酒，忙中留客夜論文。
妖星又照南洋水，雄劔誰排北塞雲。
鈞黨恐他生烈禍，兩都消息不堪聞。
京師及東都黨議士數十人就拘

水戶問松延蓉坪疾，蓉坪患膈自知必死，與余訣飲半日，猶談國事不止，三日後終不起。時安政戊午五月八日也。

把杯談笑置杯愁，正是國家多難秋。
休怪頓爲兒女態，丈夫涕淚不空流。

赴當崎途中

雨來林樾響，雨止煙雲凝。長程向薄暮，屈曲涉岡陵。
仄逕通蒙密，叢篠雜枯藤。無風炎氣積，濕霧夜蒸々。
樹間避群蛙，草際驅飛蠅。溪泉送清韻，洗耳潔於冰。
林盡得平曠，灑然魚脫罾。輿窓引涼影，點々湖上燈。
歸路即目

大野茫茫接海平，午風時送遠鐘聲。黑雲一朵垂天
末，雨過遙林暗處行。

書感

露下關河灑氣清，幾行雁陣夜過城。連山月湧層濤
影，老木風酣萬馬聲。今日弛張要大策，古來感慨屬
迂生。又聞赤縣干戈動，回首西天太白明。

日光途上

松杉挾路平如砥，唯見群山次第低。想見列侯陪駕
日，輿中安坐上雲梯。

宿鉢石驛

翛然身欲接仙蹤，繞屋雲嵐夜氣濃。一洗十年塵土
夢，臥聞靈籟奏笙鏞。
地高晴旭滿軒新，含凍庭柯未識春。絕頂回風吹雪
落，朝霞紅裏閃銀塵。

日光山謁闕宮

風雲開大畧，日下表嘉祥。仁者元無敵，神兵不犯疆。
西征戈始止，東向業彌昌。玉璽安宸位，公卿率憲

章山河分帶礪，封建保金湯。寢廟占良地，宮號賜自
皇。居然秀傑境，永作真人卿。殿閣排霄漢，松杉發煒
煌。經營窮域內，貢獻及殊方。器擇千年瑞，材來萬里
航。朱橋虹偃蹇，華表石軒昂。龕是雞林製，燈皆蠻國
鋼。繚垣相映帶，銅宇互飛揚。藻檻金獅躍，雕楹彩鳳
翔。雲嵐擎寶塔，錦綺列神倉。妙畫龍疑活，精鑄花吐
香。兢々拜磬砌，肅々下宮墻。廣澤徵宏麗，休明仰紀
綱。煙霞何貽蕩，雨露自豐穰。典禮符鄒魯，規摹超漢
唐。兵農均賦役，文武慎弛張。祭祀來麟鳳，威靈遠犬
羊。守成生輔弼，繼體出賢良。龍虎盤踞勢，鎮瞻赫々
光。

草堂小集

風簾搖曳晚光沉，更有昭光副遠襟。三面煙霞山入
座，一場觴咏客携琴。休論蝸角紛紛事，共是鷗波浩
蕩心。淡月亦嫌春夜短，遲々故過百花陰。

戊午三月，承藩命將移居東都邸，諸子餞飲
無虛日，感而作。

情懷偏懶對烟霞，廿歲金蘭盟已差。勝事猶存離宴
酒，好風多在夕陽花。遷鶯又感新恩澤，巢燕難忘舊
歲華。此去江門三十里，白雲一片亦天涯。

過藤代川平大椽戰死之所 赴江戶途中
老賊兵威震總常，千年遺蹟恨茫茫。斷雲落日江流

遠誰記承平古戰場

江都書感

眼看風物逐時新，一夢難逢舊日春。到處江潮宜養拙，重來花月亦添親。半生功業存窮骨，十歲升沉感故人。醉後何堪談往事，西州門外淚沾巾。

即事

快櫓搖來幾隻船，滿城新綠雨晴天。南風吹送松魚信，日本橋頭聽杜鵑。

寄懷藤森天山先生

時先生謫居東寧川上

牢落文章報國情，每聞出處幾回驚。枉冤終脫烏臺按，道義重於麟閣名。推轂曾忻容後進，愛才誰得似

先生，遙思東寧烟波綠，孰與霞湖水月清。先生巖寓土浦

七月廿三日夜紀事

衝要新見利場開，蠻貨從今溢港來。借問洋人何所祝，轟々連發海門雷。

晝感

草間哭盡幾英雄，形勢茫茫詭術中。陰鬼弄人塵浩洞，妖蟾食月霧溟濛。鉛刀誰斷調停策，鐵馬徒勞輔翼功。元氣讜論消欲盡，回頭東市起腥風。

歲暮書感

聞說犬羊窟，經營極壯觀。江關無守備，廊廟有衣冠。鏡雪丹心熱，瓶花鐵骨寒。一杯聊餞歲，風緊雁聲酸。

同澤田氏從小名木川歸舟中

五明橋下買春船，兩岸儺聲欲暮天。
對酌不知歸棹緩，笑談之際已加年。

江戶雜題

飛薨甲第杳連空，幾處管絃春正融。
柳外紅轎輝麗日，巷間寶勒躍東風。
歡虞豈啻魚鹽富，培養堪看雨露功。
三十六門濠水綠，仙禽聲在彩霞中。
橋南橋北碧鱗々，大道烟霞雨後新。
車馬雲屯龍口曉，綺羅風暖虎門春。
港通英佛魯蘭舶，市列象犀珠翠珍。
屈指五州繁會府，請看瑞氣接紅塵。
堤上絃歌堤下舟，香雲吹雪壓長流。
一城行樂期三

月，兩岸春風靄二州，豪興滿前誰識足，醉顛以外欲何求，輕烟抹處紅埃斂，晚色留人月在樓。

東風吹渡三千陌，分領青春又幾家，郭外爭占新勝概，城中慣見舊繁華，名園幽墅多臨水，翠閣紅樓半帶花，爲問游人何所苦，眼前唯苦日西斜，結用樂天語
海色南開山黛橫，勝軍祠畔雨方晴，瓦薨布地鱗々影，市陌籠塵浩々聲，萬里風帆通寶貨，千秋岳雪護金城，登高能賦騷人事，一曲長歌頌太平。

哭關鐵之助歌

櫻田義舉之一人

威風烈於曉風烈，路上紛紛永頸血，桃花三月浪漂紅，櫻田春灑臙脂雪，余時留客醉佳辰，聞之不知履

齒折偉哉同盟十七人，喜君姓名在其列，難敵傲々
 衆楚舌，威權欲壓後世論，戒慎誰改前車轍，想昨草
 堂對酌時，論及尊攘彌激切，燈前見劔引巨觥，余藏建武寶刀
 醉後屢見悲歌發，嗚々執手乘醉別，醉別何知成永
 訣，庸俗漫唱橫暴名，知否英明振士風，綱常淪徹臣
 子骨，乃當國家危難時，果然蹈此非常節，君不見櫻
 田勢焰消無痕，櫻田義舉長凜冽，嗟呼一片丹心百
 鍊鐵。

即事

揚柳橋邊舊酒樓，春風如夢記曾游，樽前狂態今誰
 在，簾影波光二十秋。

有明樓即事

堤樹洲煙暮色橫，游船歸去竹枝聲，欄前影泛長江
 月，記得金波舊日名，樓舊名金波樓

携家人泛墨水遇雨

活畫漸迎柔櫓開，輕陰淡々壓樓臺，蒹葭秋色隨波
 遠，楊柳烟痕引雨來，綺宴鶯喉雖快矣，清流鷗泛亦
 悠哉，且忻扶醉女兒在，先把吟思入酒杯。

夜半不寐起而獨酌

青史紛々幾癡興，閱來憤扼腕拊膺，酒間一掬憂時
 淚，漉向蕭齊獨夜燈，
 窄袖短衣多俗士，高冠肥馬有庸才，鶯花界裏治鸞

酒、大喝無人分一杯、

癸亥二月書事

十三日大駕西上

萬騎朝天正遇春、百年曠典一時新、誰知京洛驚塵際、又有耽々虎視人、

書喜

幕府奉朝命、大行黜陟、

昨夜絲綸下帝京、朝看新令動江城、一時廟算從群議、幾度兵端駭衆情、天朗風雲開瑞氣、秋高銃鉞起雄聲、紛々登用皆賢俊、應有經邦裨聖明、

三月紀事

舟走江兮車走地、車載舟運皆什器、新令如雷驚酣眠、朝廷俄決掃攘議、日光無色起風霾、陌上行人盡

草鞋、東借村莊西購墅、沸騰二千六百街、將軍方述朝勤職、列侯護京或就國、虬貅十萬帥者誰、守備無方孰竭力、君不見橫濱春風海波暖、夷人談笑營樓館、

即事

強弩失機駭鼠馴、誰言東海欲生塵、由來大漢無長策、又誤移薪曲突人、

泛墨水

綾瀨河邊境益幽、金龍山遠對牛洲、蘋風出水涼於水、汀樹先秋欲借秋、天爲愁人開樂園、塵間隨處有滄州、餘酣又買津橋酒、歸棹搖々月滿舟、

咯血枕上戲書 七月十八日

朔雪炎風感有餘，半生豪氣漸將除。死灰猶貯一腔熱，空灑案頭無用書。
自笑功名志已灰，憂患真自讀書來。家人不解焦心事，却禁杞人消悶杯。

病起

枕頭與酒絕良緣，蔬食兼旬似學禪。病起對杯叙久潤，杯中有物骨將仙。

元日 甲子

樽中有酒客盈坐，且以酣歌答太平。君聽滿城絲管外，海門硫礮亦春聲。

瀛州歌

瀛州地沃生瑞桑，穠葉遮天碧雲涼。育得水蠶繭如玉，銀絲吐雪夜有光。瑞草之魁亦蒼々，仙娥采摘春滿筐。金鑄淪得銀河水，靈芽綠乳霞吐香。羅鍼誰指蓬島路，浮槎爭繫閬苑樹。桐載朝過鼇背雲，交關夜眠貝闕霧。日見珍貨溢仙寰，仙曹不許鎖瑤關。石髓瓊漿品彌貴，金丹玉液何得慳。王母之桃或可偷，廣寒之桂或可攀。靈秘不啻雙南美，一落塵間去不還。羽蓋乘春會瑤池，祥氣慶雲映玉卮。靈光照見大千界，仙誥深秘誰得知。只有乾坤長不老，皓日又上扶桑枝。

寒江獨釣圖

鷗鷺舍課題

雲陰凍合魚邊水，雪意寒生鷺背烟。
獨有孤舟蓑笠客，載將晚色坐江天。

中村浩園招飲，以雨不果往，翌日

贈賦 乙丑正月十六日

蠻觸紛々蝸角中，技能爭誇濟世功。
斯道衰弊如商賈，俊傑低頭入樊籠。
浩園先生獨屈強，恬澹并存狷介衷。
悠悠之徒非吾友，且以詩酒會文雄。
我亦塵間厭瑟縮，往將一洗芥帶胸。
奈何造物妬高興，故以陰雨阻遊蹤。
新漲滿岸潮候惡，一葦誰航暮江風。
游心鬱勃夜未止，夢魂直馳大橋東。
江近尤喜蝦魚美，地

腴更見菜蔬濃，金蘭有盟忘主客。
轟飲不妨失禮容，胸中光怪現筆底。
眼中俗物斃談鋒，螟蛉螺贏何足說。
鼠目鼷頭等蟻蟲，簷聲滴瀝送蕭寂。
一穗沉燈半夜鐘，猷酬殘盃疑在手。
枕頭意氣猶吐虹，諸賢自有汝南品。
遭遇寧無冀北空，浩々其淵君所命。
待看雲雨起蛟龍。

溼上雜咏

十首節三

妍霞麗日綺羅叢，人影動搖香滿中。
酒氣蒸花々亦醉，落紅狂舞夕陽風。
十里香風水調聲，游船一々載春行。
幽尋別有求奇客，結伴來看月下櫻。

滿江新漲雨收初，羨見風流屬老漁。点点花飛小罾上，香波漉出水晶魚。

布袋和尚圖 應某畫

孰把叢林大覺身，寫來呼作七祥神。啞然倚袋摩便腹，笑見營々祈福人。

小豫山歌，爲加藤霞石翁

翁藏奇石，名小豫山，諸家題詠甚多。

大塊愛惜豫山美，移來欲置之雲几。驅役巨靈拔不拔，術盡耽玩情未已。匠心規出小屏顏，峯壑逼真淪石髓。霧縵雲包不示人，藏在丹崖翠壁裏。風雨一日動崢嶸，雷公欲奪電母爭。雨斷風止山谷靜，樵夫拾去贈先生。先生夙抱高尚志，身鍾豫山清淑氣。氣類

所感不招至，談笑收得真宰秘。光彩不假磨礱功，聳峙渾然天造工。膚理潤燥知陰晴，靈物或潛咫尺中。都門移家住紫陌，官途豈忘林壑癖。百里神遊一塊珍，邸舍收來故山碧。丹霞燦爛映軒窓，紫筍玲瓏照几席。叩以爪甲聲如磬，藉以裊褥貴於璧。草聖之妙君所傳，腕底有時走蜿蜒。硯池翻倒三斗墨，大筆淋漓石丈前。想見驟雨捲南海，雲煙出沒百丈嶺。

雨中同諸友會矢木南臺宅，々在品川。

余與甕江後至。

勝會先愁泥路遠，追行且喜竹輿輕。新亭卜在鷗波岸，早聽同人笑語聲。

哺時雨止，遂相携，游濱川丸屋亭，
 滿樹風烟引海光，一園泉石似山莊，不知車馬門前
 鬧，富貴花開酒正香。

真光寺小集，送湖山老兄還參州，五月七日

桂城詩酒霞湖船，回首分携十五年，今日相逢談往
 事，暫時同醉即離筵，塵區風月無閑地，精舍琴樽有
 別天，惆悵征鞍留不駐，滿山新綠屬啼鵲。

七月既望賞月集，前赤壁賦中字，川田斐江宅集

清風秋渺々，客亦浩然來，天地爲吾有，盈虛安在哉，
 月光山窈窕，山上月徘徊，物我皆無盡，遨遊更洗杯，
 題遊房勝概圖卷，爲工藤敬齊。

房州之海何壯豁，房州之山何突兀，層波疊嵐互相

映，海灣無山不秀絕，十州一覽亭，亭名在鋸山何雄吞海樓

高插碧空，富山勝山勝皆富，菱花灣浸玉芙蓉，嗟吾

形骸役世故，難呼城東一葦渡，黛色依々遠招人，躋

攀空覓夢中路，忽喜妙畫發天真，勝概分明紙上新，

恍然置我煙嵐裏，洗淨衣襟三斗塵，羨君探勝志已

酬，更向卷中謀臥遊，風流或受多慾責，雲烟一半分

我不

舟自本所歸，永代橋下即事

晚色遠來房繪山，輕舟快逐落潮還，長風吹閃涼波
 影，月在危檣亂立間。

讀請康傳信錄有感、小林畏堂宅集
君來朝綱方振肅、君去朝廷不可為、十事僅疏讒已入、建炎孰與靖康時、

送川田夔江歸省備中

設饒宴于伊勢勸樓、枕山畏堂、穀堂橋蔭、雪江

芦洲篤所、柳圃迂堂、香溪南華、堯田敬齊、述堂琴城、南臺楊園、霞石林、齊鷗、隣秋琴、以下會者百餘人、

一曲清歌笑送君、豈將哀樂損吾真、詞壇今僅存先輩、後進之中見此人、祖席唱和行色壯、客程風物藻情新、錦衣何用誇鄉里、醉把茱萸對故親、

夜從築地歸

夜潮欲落月沉輝、市散郭門行客稀、烟暗歸舟看不見、一燈唯帶櫓聲飛、

滑水撈錢圖

草堂集

炬光照浪惜沉淪、不受私門三百緡、滑水芳名流百世、卻錢人是愛錢人、

田家牡丹 同上

繡轂輾春姚魏門、東風池館幾家存、一欄國色耕耘外、冷淡相傳到子孫、

送穀堂鷺津兄應聘之尾張

下谷泰宗寺饒宴、會主枕山柳圃

皇天果不喪斯文、徵聘喜君恩命新、漫道講筵供顧問、豈知榮遇在經綸、家聲再起桑榆地、德業長留桃李春、最想鄉親相會處、青袍非是舊時人、

早春偶成 丙寅

萬國衣冠京洛風，祥雲朝擁紫宸宮。遙知輦下紛塵
歛，春在貅軍豹隊中。

讀宋史

粉飾太平知奈何，笙歌聲比鼓鼙多。半間堂外芙蓉
水，吹作厓山十丈波。

咏史

老姦當家屠骨肉，傷心最是鶴岡祠。可憐七道經營
業，餘得兒孫髮一絲。

雨中新綠

鷓鴣舍集

嫩葉如烟綠帶風，芳塘何處覓殘紅。參差燕子悠揚
蝶，猶在經寒細雨中。

賀姪上坂正輔命爲教授

人材用捨賴賢明，重任遠途休自輕。須記洪恩難報
効，莫因得意損功名。青衿曾志千秋業，絳帳新承四
世榮。最思教導所關大，何啻滿城絃誦聲。

漁村晚歸

淺田栗園登春臺集

笑見江雲得意飛，鮮鱗換酒醉中歸。白鷗波上青山
影，送到橋西小板扉。

夏夜即事

滿城炎氣夜如蒸，步到江邊月未昇。星彩涵波々燦
々，舟人猶語柳陰燈。

拜石圖

加藤霞石宅集

不笑不言爲主賓，一拱一揖且相親，寄語神仙休漫叱，先生非是拜羊人。

仲秋同霞石琴城揚園泛舟品海賞月

絲竹聲聞遠岸樓，展開萬頃海門秋，三秋清賞推今夕，十五年來無此遊，月與碧空俱在水，人凌灑氣不知舟，休嫌白露杯盤冷，明日紅塵復沒頭。

太神樂歌

擎出絳毛金眼頭，鼓笛繽紛人若邱，當場先作猥猥舞，云是掃穰惡魔憂，蝦丸丸一分社號，技中最妙在弄球，雙々脫手毬皆活，高低如意隨鼓節，一毬未落又一毬，毬々相加至七八，崑崙圖上客拾珠，采石磯

頭人捉月，飛騰忽上幾千尋，承以隻手無蹉跌，枹上置球々上枹，立之鼻端或錐末，毬飛枹躍雜空間，承投紛々間爭髮，蜻蜓上下蠓蠓春，迸如流星聯如璧，弄者自如觀者危，絕藝堪奪化工訣，聞說西客傍觀忽驚吁，謂是無施機絨與，百金購去剖解之，毬腸枹脉一物無，嗟呼妙技自存物理外，析木求花胡爲乎，末段當時所傳如此

途中記所見 五首節一

亮々笛兮鑿々鼓，學練兵兮非學舞，小隊大隊何整然，窄袖短袍誇材武，天礮之下無六韜，翻倒巨鯨斃神龜，八門五花真兒戲，閑却腰間日本刀，忘筌由來

在獲鱗，摹劬何曾要逼真，嗟吁堯服堯言亦堯耳，蠻裝蠻語是何人。

即事

歲豐偏怪粒如玉，物貴始看錢失神，燈影燒天忙夜市，此中無限制慈人。

書感

聞水戶義舉諸士就降伏，竊書之

乞劍請纓是丈夫，義聲先見動東隅，書生自得群侯援，志士空甘墨吏誅，漫使王臣歸盜賊，誰憐冤鬼覓頭顱，會盟可惜決機早，只有英雄悲壯圖。

歲晚臥病

同雲暗澹壓江城，關意中洲事未平，亂後星辰猶動

影，愁邊歌吹似無聲，微官豈抱牛衣嘆，壯志空存馬革情，身世蹉跎歲將盡，臥聞人語鬧殘更。

元日臥病 丁卯

日如太古真元日，閑在忙中正是閑，春夢不關紛擾事，孤村流水探梅還。

早春有感

氛冥春又至，經國賴銓衡，神筭思飛將，蠻裝列步兵，雄藩蔑東命，大駕尚西征，聞說登遐事，愁雲暗帝京，候伯會同少，城中滅竈烟，主驕奴有勢，物貴貨無權，殺氣潛紅陌，悲歌起綺筵，鶯花春欲變，虎背尚安眠，遏密令方下，中州止鼓鼙，姦雄傍睥睨，藩鎮互排擠。

廷議或分黨，物論何得齊。興亡前轍在，回首一悽々。

携家人遊灑上

輕暖宜輕步，陰晴未定天。他年思卜築，到處閱林泉。
梅花春寺雨，揚柳午村煙。且向家人問，囊中有幾錢。
三月九日，同百川琴城秋琴，泛墨江見花。

途中遇雷雨

黑雲西走動芳菲，青傘紅羅亂暖圻。電影射花香雪
閃，雨聲入柳翠煙飛。賞心到此何容緩，樂事從來奈
易違。江鳥呼晴々更好，滿船春色上吟衣。

快々亭雅集

枕山、松塘、昆溪、芦洲、鷓鴣、梅園、松園、
湖村、雨石、見南、其他會者十餘人。

嫩荷貼水々如煙，繞岸新陰屬杜鵑。坐對一時名下

士，亭臨三面鏡中天。山林引興尋前約，湖海論交證
宿緣。亦有風光來棖觸，酒間誰信感華年。

五月六日植村芦洲蒼々齊集

軒窓暎竹絕纖塵，蒲葉榴花浴雨新。吟酌無端逢勝
會，胸襟何日不佳辰。圍張綠樹憧々蓋，門躍薰風六
々鱗。休怪文筵多喜氣，帳前添得玉麒麟。

芦洲有弄璋慶

病中漫吟

時患脚疾五旬

安心正識是良方，數卷陳編六尺牀。南北開窓風互
至，樓頭亦自有炎涼。
十丈紅塵繞屋蒸，吟心一片冷於冰。隣樓歌吹聲將
歛，愛見新涼入夜燈。

朱甍粉壁鎖烟霏，曉氣如秋襲枕幃。人與城鴉爭早晚，我方起處彼方飛。
世事況如乘廢舟，滿軒風月亦含愁。病間一片餘豪氣，夢上元龍百尺樓。
滿城旱氣正熾々，簾外雲峯午影紅。雨灑瓦簷淋不潤，炎塵滾入半天風。
人傳處士恣橫議，又聽西州侯伯尊。公論不知何所屬，病夫無策訴天閭。
孰使諸君執大名，其如國事未和平。中霄忽作封侯夢，匣底雙龍躍有聲。
論策紛然千萬言，何如一死報天恩。可憐殉國人多

少，今日誰招義烈魂。
近聽漢家稍重儒，齊門執瑟笑吾迂。便々飯袋唯宜酒，醉以大言驚俗夫。
輪蹄衝熱去紛紛，風動疎簾日欲曛。憐殺倦禽生遠意，高飛影入海門雲。
閑捲湘簾見晚光，小樓望豁有餘涼。月輪輾上紅塵際，素影流爲萬瓦霜。
涼意清晨病骨和，臥看風露浸庭柯。碧紗幮外殘蟾影，動在盆池細々波。
滿室飛蚊避木烟，紗幮蕭洒臥看天。月昇隣舍梧桐上，涼影婆娑到枕邊。

枕上秋光暗裏催，襟懷鬱々向誰開。門前慣聽登然響，復喜親朋問病來。
 小園梧竹晚颼々，早氣變爲涼雨秋。絡緯聲中人默坐，一燈無語照新愁。
 車塵不慣屈双脚，好學僧趺養懶情。利界亦餘閑地在，着來一個廢先生。

桂陰詩集下卷

桂陰棚谷元善稿

千代田

分賦江戸諸勝，余得千代田，乃今之大城。

沃野控海開天府，黃茅時捲蛟龍雨。邑落名兆千載祥，神靈入夢示佳處。軒外晴見玉芙蓉，青松遠接錦屏浦。用道灌和歌意歌咏曾記當年勝，杉家良將先築礎。鼠僵兩杉竟如何，五世鴻基空塵土。短狐又破祖龍家，始識佳名屬英主。祥雲西來擁土塔，休氣榮光起斥鹵。邸第分區填沼溝，闐闐連鄣闢榛莽。群侯玉帛際

風雲八州雨露沾海宇，尊王威儀由舊章。帷幕謀臣
 簇文武，謳歌聲中三百載。駟奢豈僭花御所，肩摩
 擊二千街。百萬人煙繞樓櫓，殷富居然抗五州。漸看
 西鳥戀東土，神謀預貽今日隆。寶田果有千貨聚，君
 不見英雄耳語英雄悟。金城新成白鶴舞，大城改築時有舞鶴之祥

書感

無邊滄海奈橫流，誰識杞人心上秋。京洛風雲將改
 色，江城花柳慘含愁。關西征役經三載，洋外交盟又
 五州。天地蒼茫何限意，一樽留客且凭樓。
 幾場風月背交遊，見說繁華逐水流。黃菊重開人臥
 病，白雲一片雁橫秋。夢經艱險醒猶畏，書到興亡讀

却愁泉石故山期，夙在塵中豈可永埋頭。

歲晚即事

浩々人聲燭熱雲，通街臘市夜紛紛。盛衰兆在繁華
 裏，比舊繁華減幾分。
 侯伯朝京邸宅空，災餘城闕冷霜風。君看今日升平
 象，只在紛塵燭影中。

廣瀨林外將西歸來辭，見惠扇頭詩，乃次其韻

三千里外忽相通，身駕火輪船上風。須記兩雄相遇
 處，舉杯刀影砲聲中。往日林外來訪時有薩邸之變故其詩云不知東武三千里身在砲聲槍色中

早春紀事 戊辰年

將星夜半影朦朧，一局仙碁變亦工。世運乘新開大

業驅除自古賴英雄，關門銃砲春風外，津上城樓殺氣中，向背人心紛未定，已聞征計六軍東。

偶書

錦幟光中草木寒，八州形勢失龍盤，亂來彌識絲綸重，敗後還思節義難，甲第鶯花春寂寞，空城星斗夜闌干，閱牆唯應禦其侮，碧眼有人含笑看。

書事 四月

虛聲驚萬聽，市陌不防姦，鼎沸鶯花海，車轟什器山，批貅何處散，銃礮亦歸閑，聞說東征將，先鋒已越關，四門無守備，一夜散貅群，牛載城頭礮，星藏臺麓雲，沉沉消霸氣，肅々絕兵氛，慄慄人如鬼，先鋒是薩軍。

紀事

此日市川舟橋有戰

脫士蜂屯處，猶張灞上軍，砲聲南總雨，火影大江雲，救援霄猶發，雌雄曉未分，村人携幼至，慄々話兵氛。

記所見

鳥飛烟散轉淒涼，城闕連雲靜曉光，無復列候與馬過，虎門龍口草茫茫，家公滌器女當壚，枉混營々市井徒，曾是平生臂鷹手，算盤珠上拜青蚨，雕甍粉壁雨空濛，草露沾衣冷晚風，甲第蕭條人跡絕，朱門變作丐夫叢，昨來翠被閩中女，今日紅塵陌上花，靜淑未知迎接

事、慙慙擎出店頭茶、
雜然重器排街上、道是幕臣曾所藏、中有燈光相映
發、鎖金燦爛認葵章、
風飄錦片鉄鞭鳴、意氣揚々排象行、洋客慣看文弱
吏、未知禁闕有神兵、
鑿々洋鼓動晴雷、報急羽書知幾回、蘆荻風腥午潮
熱、官船又載死傷來、
柵門嚴肅扼橋新、幕影槍光照路塵、不許行商携異
物、誰何尤密佩刀人、

友人某々來訪邸舍

時在濱街邸舍

俯仰成陳事奈何、干戈猶喜故人過、愁中對酒歌偏

激、戰後論心感更多、遠樹長天孤雁影、秋風落日大
江波、丈夫末路須珍重、休把青衫換釣簑、

過某候園

離亭別樹草爭生、唯有清池鏡樣明、欲問花前高會
處、蒹葭露冷水蟲鳴、

四月十五日、携家人及門生遊金龍山、聊遣

遙取適耳

時四方多抗命者、出軍無虛
日、部下戒嚴、人心恟々

滿閣蘭煙欲泛空、萬燈如沸彩霞中、靈場不着兵戈
氣、茶靄吹香粉黛風、
百芳園裡路橫斜、歌吹隔林聞不譁、未醉紅樓先滿
意、紫藤花底喚新茶、

水檻風簾鳥語清，芳園不見點塵驚。欲將幽趣消煩
慮，復有傍人語戰爭。

五日即事

榴花如火映簾開，留客且呼佳節杯。總武何邊鋒又
合，砲聲連送午天雷。

邸舍書感

草間蚓笛響清渠，隙地開畦種菜蔬。局促空拋平昔
志，此生唯應愛吾廬。
同調同心各異鄉，邸居所伴只壺觴。醉餘聊欲論時
務，又恐群兒喚作狂。

書事

舉首關河帶夕陽，風塵誰護舊金湯。名園多屬賈人

手之列侯國地商賈購勝地或開洋客坊

築地新設洋人行館

覆雨翻雲憐變態，驚鱗駭翼未知方。唯看薄夜輪蹄
少，處處街頭有虎狼。

中秋雨

想見戰場燐影青，江聲帶恨夜冥冥。天將陰雨代明
月，欲為神州洗血腥。

紀事

與羽漸平定，若松城將陷

堂々旗鼓涉孱顏，維蔓維藤次第刪。紫電秋寒龍虎
府，黃雲夜裂海山關。漫言鄴下進旌急，何問蔡城乘
雪艱。聞說蕩平當有日，孤軍已在鐵圍間。

邸舍臥病

夜氣森々壓短檠，枕邊書帙眼猶明。四簷琴筑音方絕，變作飛虫掠亂聲。

書窓明處曉燈昏，臥見寒光映竹軒。猶想少年攻學日，清晨衝雪立程門。

十月恭紀事 十三日

明治之元冬十月，東州始駐至尊車。百年霸氣銷磨盡，又作天開地闢初。

書喜

形勝依然舞鶴城，祥氛今日是皇京。東陲民始迎仙仗，海外人皆仰聖明。幾路風塵霑厚澤，滿朝輔弼足

群英。天厨一滴降恩露，散作萬街歌吹聲。賜樽酒市人
文武經邦大典新，蓬瀛從此是通津。九重日月當黃道，四塞風雲繞紫宸。久矣武人開國命，共知率土盡王臣。恩威天大君看取，勅帶秋霜物自春。

書感 己巳年

野鶴乘軒何幸榮，復看燕雀上雲程。鶯兒幸脫群禽伴，訪柳尋花自在鳴。

龜井戶見藤花 己巳年

藤族蔓延當國日，大賢終不免排擠。奪朱猶帶舊時色，開向廟前頭盡低。

三月七日同諸子遊墨江 己巳年

滄波早見白鷗雙，穩遡春潮漾々江。落斤飛來杯上
泛，仰看香雪壓船窓。
吟賞卜期方應期，春陰恰是養花時。遊人先謝舟師
意，好樹多邊刺棹遲。
紅粧亦自發光輝，一路遊塵避虎威。唯有東風不相
管，落花飛上貴人衣。
蝶蜂相逐落花塵，牛渚煙光接馬津。中有春風四蹄
快，車前亦是拜塵人。
路上獻酬挑拇戰，店頭買醉聽楊花。暖霞蒸出長明
寺，別有櫻糕管物華。
風趣亦存堤下家，芦簾瀟灑避豪華。君看香雪千株

外，一碗清湯啜醃花。
麗日光風蕩々乎，展開溼上活全圖。不携粉黛遊成
俗，不帶醉容人似愚。
客滿名樓皆謝客，舟多春岸自迷舟。斜陽亦戀晚光
好，花外欲收猶未收。
一曲嬌歌酒半醺，隔江暮色入香雲。詩成也動滄州
興，醉墨何妨洒妓裙。
淡靄籠花々欲眠，樓々銀燭夜爭妍。一枝携得野人
贈，春在風流詞客船。

書樓雜詠

濱街邸舍

渠流生響水痕加，草樹如蘇映碧紗。雨勢東移雷未

歛彩虹影裏掣金蛇，
絲竹颺空燈落水，二州橋外鬪繁華，電光閃出一星火，
開作江天涼夜花，
炎雲收盡暮天澄，露滴夜柯月未昇，客去籠蟲音漸起，
滿天星彩一樓燈，
欄裡抄書睡漸催，燈花如豆落還開，絃歌猶奏夜深曲，
聲自中村樓上來，
邸樹霧消暎影明，藤公廟裡鼓轟々，幾多賽客爭晨去，
時聽蓮華妙法聲，隣爲細川氏邸，有藤肥州廟
漸厭官情類楚囚，文書堆裡尙埋頭，清風知我夏畦苦，
日午歸來吹滿樓。

笑見輪蹄逐熱忙，誰知閑處有餘涼，一簾夜色沉沉雨，
又使飛蛾戀燭光。

六月十六日同諸友泛舟墨江。

雙櫓雙舟浪閃銀，好將畏日作良辰，琴樽且逐優游約，
煙水同爲澹蕩人，勝境有天容醉態，涼邊無地着炎塵，
竹枝一曲長江晚，楊柳樓臺月色新。

又

樓外無處不絃歌，涼意多邊舟亦多，別有繁華場外客，
棋聲閑響柳陰波，此日一舟載酒，一舟納茶具碁局
粉黛巧迴官海春，紅樓有路接要津，舉杯借問波間鳥，
熱處冷行知幾人。

同田口江村秋田參事遊百花園辛未八月十一日

一榻先呼醉後茶，好將蕭散換豪華。孤舟落日長堤晚，來賞秋風七種花。

秋芳閑澹媚名園，遊比春時趣別存。欲向旗亭幽處醉，孤松流水小梅村。

明治四年辛未臘月，余歸縣，掌學校事，諸子相謀，卜居南郊，東北帶市郭，西南臨平野，加波、葦穗、峨峯、南臺之諸山，綿亘如浪，田疇村落紛錯其間，境靜而望豁，余獨居優游，自春至秋，得詩數十首，今第錄以存懷舊之意。一架圖書酒滿樽，油鹽柴米不知煩。紬衾穩結桑榆

夢亦是門生故舊恩。

故園春色映歸裝，廿歲功名夢一場。領略烟霞閑把酒，十三山下小書堂。

煙生麥氣蔥々際，日落蛙聲閣々中。十丈紅塵抽脚去，青山影裡步春風。

誰把耕箋耘笠影，寫成淡墨畫中人。請君欲學倪迂手，來見滿郊烟雨春。

歸雲倦鳥共襟懷，日夕正看山氣佳。不問人生歸有道，只須種稼了生涯。

細雨濕春々，更嘉翠屏一帶隔輕紗。烟間傘影行人小，徐出桃花入菜花。

小橋流水路三义，霞彩光中閃々鴉，出步田間歸入室，輕烟已抹遠村花，
 芋圃菜畦開墾新，故園風物屬閑身，多忙只有東京夢，一見妻孥一故人，
 市僮未至酒難辨，且炙香魚且洗杯，喜聽登音忙入戶，門生有簡送樽來，
 幾條野逕繞園籬，左接平林右水涯，折得花枝携手去，春風未悟蝶先知，
 高林古廟鳥飛還，拋筆呼杯几案間，暮靄埋山々更靜，誰知人意靜於山，
 僻鄉猶未知開化，民俗土風頑且牢，時有友人來話

舊依然結髮帶双刀，
 山影如波樹若煙，桃花落尽棟花天，村橋細雨無人渡，白鳥双飛水滿田，
 麥將秋處秧方長，農父寸陰田畝中，愧我研朱磨墨業，不如分翠蒨黃功，
 榴花如火映青岡，幾擔魚商喚過牆，紙旆遙翻新樹際，山村風物近端陽，
 神燈乘雨現林阜，黑袴祠名邊欲半霄，野色沉沉群動寂，靈光漸過御前橋，
橋名每夜神燈現南麓二三點或五點六點開闔浮遊夜深則進近人
家蓋龍灯之類土人慣見不怪
 勤王餘烈亦堪哀，一片英靈鎖草萊，閑對史篇思往

事雄雷驅雨殷南臺

元中年間，小山若犬丸，小田五郎等，據南臺城，與上杉氏戰，後城陷死之。

欲訪舊知人已亡，幾回俛仰感滄桑，水城攻戰波山守，留取村翁話夕陽。

午餉療飢樽酒香，田塍笑語晝方長，迂生今日成何用，袖手南軒見插秧。

林外奇峯屹不移，遙天烏影点琉璃，鳴神峰山名上雲如墨，正是雷車欲駕時。

踉蹌終看稱絕塵，進修唯在德行新，白鬚笑坐諸君上，曾是醉顛無賴人，豐中諸士携具來飲，凡二十七人

年年病骨苦炎煩，筆硯踈時藥餌尊，一鷺涼風吹夢覺，雨聲近在水西村。

朝餐幸有姻親贈，晚浴時依故舊家，一事唯堪稱快

意，酒杯留客隔牆餘。

結既北成句，○門生以事赴東京，余親執薪炊，無聊頗甚。

滿室風兼秋共至，一牀書與酒相親，休言單獨無儔侶，燈火新涼幾故人。

平田雨過稻花香，山外時々送電光，野水乱鳴門巷路，好隨螢火逐新涼。

西嶺殘霞紅斂際，前村炊靄白颺時，新芋新豆羹方熟，恰是先生晚酌期。

滿城猶未廢蘭盆，處々紅燈夜照軒，遙想東京多事累，家人何狀作中元。

世運新時月亦新，唯嗟吟社屬沉淪，傷心最是桂城

影二十人中照一人，往時長谷川椿園，每年設中秋詩筵，余而穆軒亦在東京。

野菊新鮮侑酒觴，堆盤蕎麥出甌香。歸來笑指童肩重，菌蕈滿籠方飽霜。來栖村豪農某招飲

晚色佳時未掩門，蟲聲雁語近黃昏。田々收穫秋郊曠，遠火影影來何處村。

遼鶴元知舊巢穩，離群其奈宿期違。併將城郭人民感，復向蓬萊闕下飛。九月以事歸京

游崎 八年九月

五州雖俗異，同居一地球。親交互來往，條約迭踐修。何況邦內地，不殊比隣遊。指彼雲中鶴，恙斯波上鷗。

一朝辭東京，千里赴西州。叙別新橋路，買醉橫濱樓。萬檣望中央，汽煙走鐵舟。蒼茫相豆港，瞥過似踰溝。空洋夜如墨，雨急風亦遒。唯看閭澹際，波光翻素蚪。舳艫鳴澎湃，輪軸響颼颼。掀翻夢成魘，身刀等毛輪。朝雲稍解駁，兩師叱陽侯。一掬芙蓉雪，晶々天際浮。遠州洋何險，驚浪高於邱。安座猶畏倒，乾坤動不休。紀山青漸了，天南渺悠悠。長風連亞墨，積氣蒸琉球。下船憩神戶，郵亭廣可投。風帆疑來坐，汀洲晴帶秋。醇酒真正宗，三杯割斷愁。精神俄然旺，有如波養鱸。登船醉未覺，洋饌飽珍羞。播備暗中過，唯覺巒山稠。噉光所映發，藝尾及長頭。豫讚峰爭出，翠嵐左右流。

沿途多戰跡，魚腹幾兜鍪。至今風雨夜，鬼哭聽啾啾。
紫洋連赤馬，玄海比黃牛。一蹴鼉鼉窟，再蹴蛟龍湫。
筑肥灣又灣，碁峙幾嶼洲。屢見岩巒秀，或逢浦淑幽。
平戶及五島，目力極西陬。冥色橫崎港，火輪煙漸收。
岸列燈千點，波涵月一鉤。舸艫迎上陸，快如脫羈囚。
華堂夜過半，魚鮮酒滿甌。寓本田氏宅猶疑船中坐，燭光眩
醉眸。單身來窮僻，老大何所求。唯憶親婚累，何日免
置罟。全家經艱難，故舊幾綢繆。世路風波險，此行那
足俸。聊賴知友力，欲作子孫謀。豈無流離感，且忻禮
待優。矧復開明世，日觀聖澤周。安知門戶福，却生於
患憂。患憂何用說，身世一蜉蝣。身世何足道，天地亦

浮漚

長崎雜咏

客衣未掃去年埃，枕上迎新亦快哉。信砲一聲轟曉
港，汽船早已載春來。
旭光映發日章旌，節後又聞春餅聲。土俗猶從太陰
曆，一春兩度作新正。
仰見菜畦交麥隴，荷鋤人在白雲間。林梢曉斂連霄
雨，露出青黃繡錯山。
街頭逐利負擔輕，村婦村丁叫賣聲。魚菜炭薪生計
足，不知身外有文明。
絕項長風拂客衣，殘霞落日望依微。故鄉回首三千

里、海色遙々鳥獨飛、金刀平山

裙屐乘晴蝶影輕、幾層石磴踏春行、祠雲一簇松杉

外、已有東風到白櫻、諏訪社

金刀山上鬪風鳶、觀客競開山上筵、幾線贏輸猶未
判、喊聲如沸響春天、

人道花園春正好、晴窓又被鳥聲催、東風未試訪花
杖、偶爾曳來花已開、花園

橫文一簡表慇懃、言語未通交已親、正是海山明媚
日、桃花開處訪英人、大浦洋館

脫帽升堂脫帽迎、一場飲饌表深情、昔時曾喚西洋
虞、今日相逢是弟兄、同上

桃花開尽杏花稀、港口春濃魚正肥、茂木灣頭新上
網、銀鱗紅鬣勢將飛、

四郊紅事歛芳菲、女伴相呼好換衣、寺々爭開灌佛
會、香風一路白薔薇、

錦碟花盆到菓羹、葡萄醅美滿銀罌、展張更喜助幽
雅、幾幘雲煙唐宋明、支那人館

蘇杭商客各占塵、來住崎陽已廿年、陪價知他輸送
利、鱸鱖乾鮓積盈船、支那人居留地

筆墨絹綾俱一袂、自誇佳品自蘇州、垂々辨髮諳邦
語、來問檀那有意不、

一夜輕雷雨送梅、海天稍見火雲堆、村園正有批把

熟萬顆金丸溢市來，枇杷尤多且美

二年萍跡海西隅，稍慣民風土俗殊，幸有江山能駐客，又無啼鳥促歸乎，此地無杜鵑

高樓一座倚松岡，即是游人避暑場，綠酒杯盤無六月，炎雲赤日影蒼々，松林旗亭

仰見上街燈影涼，下街炎氣晚煌々，却嫌隘路微風動，幾陣吹來麝鼠香，香鼠此地太多

帆檣不動午潮平，滿港炎風接大瀛，又有汽船衝熱入，火雲紅處黑煙橫，

日烘甃石塵如燉，礮礮車聲輾熱行，向晚家々爭潑水，滿街涼屐響錚々，街上皆甃石

滿樽春色丹州酒，一碗清風上海茶，千里遊蹤醒醉裡，客心穩處是吾家，

十萬腰錢競利名，妓筵娼閣是開明，誰知鶴港好風月，都付楊州歌吹聲，

曾無一葉報新秋，唯見林園露氣浮，金橘香橙方滿樹，夜涼初透碧紗幘，此地無梧桐

掃罷靈壇列菓瓜，蘭烟香滿幾人家，鳳仙鼠尾雞冠草，又買中元供墓花，

家々相率上墳陵，墓上開筵酒若澗，涼月中天人未散，滿山笑語滿山燈，中元墓祭

拓開百歲威靈地，新設四時游步場，刈去荊榛除蔓

草土人猶恐伐甘棠、新設公園故德川神祖廣地

處々黃花欲鬪新、也知風物近佳辰、西山自有東籬

趣、不屬尋常賞菊人、花園屬西山鄉

舞曲番々逐次催、綺羅捲起社前埃、萬人頭列石壇

上、喝采聲從天半來、諏訪社祭

錦衣照路燦如霞、捧出山棚五彩車、中有圓山歌舞

隊、街頭艷發一團花、同上

綺筵迎客笑聲譁、綠幕紅氈處々家、父老唯嗟時勢

變、猶稱天保舊繁華、同上

宜月宜花宜雅俗、茶棚酒肆各開場、秋芳早引游人

去、海色山光醉夕陽、公園新成

朱字招帘颭半天、牛肪雞汁鬪新鮮、就中洋饌稱甘
美、南有福樓東玉川、

人歸飛鳥淡煙外、村在夕陽黃葉間、一片輕雲施雨

去、畫中又現米家山、富月樓所見

一帶翠屏樓閣風、秋霜染出萬梢紅、皓臺東接禪林

寺、盡在連山錦繡中、寺街

兒女爭先買看棚、俳優新到自西京、鼓聲過處人傾

耳、街上呼來演劇名、

人家住在青嵐上、柴火炊烟晚色中、處々山疇霜未

隕、蕎花如雪領西風、

前村水入市街通、寺々磬聲山郭風、甘橘香橙黃正

熟透林夕日影玲瓏，

高林風葉擺乾黃，山色若眠橫短牆，節近小寒々尙
淺，踈蘭殘菊未知霜。

竹樹生聲霰若篩，薄雲忽見漏晨曦，水仙盤裏冰初
結，正是家山雪滿時。

又見王臣蒙賊名，砲煙殺氣繞熊城，千秋功罪誰能
辨，文筆峰頭月獨明。

肥薩亂有文筆山名

氛浸溟濠撥未開，海津兵備亦嚴哉，商人不識愁人
意，門外賣糕呼善哉。

土俗呼餠糕稱善哉餅

紅樓豈識戰塵驚，鬪飲紛紜會酒盟，誰把月琴和艷
曲，三絃音合四絃聲。

綺靡眩眼競豪華，孰省暗中疲弊加，唯有人民權利
在，曾無官吏禁驕奢。

飲公園酒樓醉後書感 丁丑三月

肥薩風雲日夜驚，且乘令節逐新晴，國旗颯日春街
麗，洋艦懸燈晚港明，登覽又生憂世感，醉吟聊慰暮
年情，稔氣漲處知何許，天地蒼茫海色橫。

送某生之鹿兒島

泮宮軒豁納櫻洲，南國山河戰後秋，雲雨蛟龍都變
滅，漸看文物似中州。

戰後漸遵師範校學制

送某生之平戶

靖州西極飛鸞島，鶴港斜通松浦城，今日臺灣方仰

我賦詩好弔鄭延平、

寓樓所見

街上人聲帶夕霏，大音寺外鳥飛歸。數星遠火山頭閃，知是田家未掩扉。

紅況遠水霞光紫，碧滴簾波樹影清。斜日斷雲風送雨，森々銀竹映山行。

鶴枕歌

枕在圓山花月樓，相傳楊太真之遺物。題詠甚多。

枕耶，是鶴々耶，是枕羅以銀絲，包以錦錦，函中含嘹唳聲，道是李家內廷品，想昔開天隆盛春，五方貢獻簇奇珍，當時此枕誰拜賜，內家叢裏第一人，長生殿上話偕老，應笑双星良會少，鎖金帳擁連理枝，巫山

雲濃比翼鳥，更弄銀錢稱洗兒，醜聲聞外君不知，教坊新制羽衣曲，宮苑誰裁行樂詞，風流陣上花亂墜，羯鼓早催魚陽騎，宿粉殘香散若煙，唯見蜀山黛光翠，鳳盟鸞契共茫茫，邯鄲且休說黃梁，泡幻曾聞證身世，豪華真成夢一場，君王空返九重闕，內寢無人慰播越，淚洒太液池頭花，腸斷馬嵬坡上月，漫喜方士說蓬來，其奈青鳥難通媒，唯有餘香留翠被，不見嬌容入帳來，豈識芳魂既化鶴，縞衣蹁然凌碧落，一函永寄相思情，萬里來享瀛州樂，君不見悠悠々往事已千秋，秘府寶玩何處求，夜明遊仙零落盡，獨有此枕仙境留，解釋春風無限恨，月白花紅錦繡樓。

桂陰詩集下卷終

桂陰詩集出版に就きて

本詩集は恩師丸山作樂先生の未亡人宇米古刀
自の嚴父棚谷桂陰先生の逸作を選輯したるも
のなり。先生の慷慨愛國の志士たりしことは、前
掲川田剛氏の碑文に徴しても其の一斑を察す
るに足らん。先生夙に古烈士の遺風を欽慕し、自
疆息まざりし勤王忠誠の丹心は、耿々各篇に横
溢せり、所謂、字彫句琢、國家の痛痒に没交渉なる
太平詩人輩とは、其の趣を異にせられたる點は、
轉た渴仰に堪へざる所なり。回顧すれば、四十餘

年。前余ハ一介の書生として、作樂先生に師事し、先生の養嗣子にして、余の斷金の友たりし正彦君と、日夕寢食を同くし、大學古典科在學中、一方からぬ刀自の恩顧を辱うし、余が神道界に今日あるは、作樂先生指導薰陶ふよるは勿論ふるも、刀自が、陰に陽に處世上の活教訓を垂れられたる感化の偉大なるは、又忘るべからざる記念なり。作樂先生は人も知る如く、平田門下の英俊にして、明治の初年、一躍外務大丞に任せられ、大久保利通氏と共に、當時外務の双壁と稱せられし

が、明治三年、征韓論によりて、國禁に觸れ、遂に長崎に幽閉の身とふられぬ。明治十三年赦に遭ふや直に居を東京に移し、福地源一郎、波多恭介、水野寅治郎の諸氏と共に、帝政黨を組織し、明治日報を創刊し、民權自由説を以て風靡せる時代に、縦論横説、國家主義を絶叫し、反對論者の心膽を寒からしめられたり、蓋し其の半面には、刀自の内助に負ふ所鮮少ならざりしは、皆人の知る所なり。笠間藩名門の家に生れ多くの婢僕に侍かれたる刀自は、境遇一轉、先生入獄中の如き、或ハ

蕎麥屋を營み、又は下宿を業とし、幾多の艱苦を
 闘ひ、以て父と良人との、後顧の憂なからしめら
 れたるは、誠に敬服の外なき所なり。世人才色兼
 備の女丈夫と稱するは、眞に當れりといふべし。
 刀自また國風に長じ、兼ねて詩才あり、鳳翔女史
 の雅號は、大沼枕山翁の選擇にかゝるといふ、刀
 自今や齡七十八、餘命幾何もなきを知り、風樹の
 嘆多年のおもいでにより、粒々蓄積の金を抛ち、
 詩集の出版を企てらる。桂陰先生の門下多士濟
 々たりしも、大抵物故し、正彦君亦八年以前に歿

せり。現存者中の最も關係深き一人として、本書
 出版に際して、一言せよこの刀自の勧めにまか
 せ、其の顛末の一端を叙して、跋に代ふ。

大正十年三月

今泉 定 介識

11
575

大正十年十一月十二日印刷
大正十年十一月十五日發行

著 作 者 故 棚 谷 元 善

編 輯 者 丸 山 宇 米 古

發 行 者 棚 谷 伸 彦

東京市麴町區永田町
二丁目五十六番地

印 刷 者 加 藤 喜 三 郎

全 市淺草區高原町
二十三番地

印 刷 所 加 藤 活 版 所

全 市淺草區高原町
二十三番地

終

